



REPUBLIKA E KOSOVËS/ REPUBLIKA KOSOVO/ REPUBLIC OF KOSOVO
KOMUNA E GJAKOVËS
OPŠTINA DJAKOVICA/ MUNICIPALITY OF GJAKOVA



Republika e Kosovës - Republika Kosova
Komuna e Gjakovës - Opština Djakovica
Drejtoria për Punë të Përgjithshme Administrative
Uprava za Opšte, Administrativne Poslove

 
Nr./Br. MP/27-46383
Data/Datum 20. 2. 2019
Gjakovë-Djakovica-Gjakova

R R E G U L L O R E

P Ë R

**ORGANIZIMIN DHE BASHKËPUNIMIN E KOMUNËS ME
FSHATRA, VENDBANIMET DHE LAGJET URBANE
NË TERRITORIN E KOMUNËS SË GJAKOVËS**

Gjakovë, 2019



REPUBLIKA E KOSOVËS/ REPUBLIKA KOSOVA / REPUBLIC OF KOSOVO



KOMUNA E GJAKOVËS
OPŠTINA DJAKOVICA / MUNICIPALITY OF GJAKOVA

Kuvendi i Komunës - Gjakovë
01 Nr. _____/2019
Dt.18.12.2019

Kuvendi i Komunës së Gjakovës duke u bazuar në nenin 11, nenit 12, paragrafi 12.2 pika c, në bazë të nenit 34, paragrafi 34.4 të Ligjit Nr. 03/L-040 për Vetëqeverisjen Lokale, Udhëzimit Administrativ të MAPL nr. 02/2019, për organizimin dhe bashkëpunimin e komunës me fshatrat, vendbanimet dhe lagjet urbane, nenit 9 dhe 18 të Statutit të Komunës së Gjakovës, 01nr.011-10 të dt.26.12.2008, në mbledhjen e mbajtur me dt.18.12.2019 pas diskutimeve lidhur me pikën e 6 të rendit të ditës: Draft Rregullore për Organizimin dhe Bashkëpunimin e Komunës me Fshatrat, Vendbanimet dhe Lagjet Urbane në Territorin e Komunës së Gjakovës, e miratoi këtë .

RREGULLORE
PËR
ORGANIZIMIN DHE BASHKËPUNIMIN E KOMUNËS ME
FSHATRAT, VENDBANIMET DHE LAGJET URBANE
NË TERRITORIN E KOMUNËS SË GJAKOVËS

Neni 1
Qëllimi

Kjo rregullore ka për qëllim të rregullojë organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës, në ushtrimin e aktiviteteve që janë ekskluzivisht në kompetencë vetanake të komunave, të përcaktuara në bazë të ligjit për vetëqeverisjen lokale.

Neni 2
Fushëveprimi

Kjo rregullore rregullon mënyrën e organizimit dhe bashkëpunimit midis komunës, fshatrave, vendbanimeve dhe lagjeve urbane duke formuar këshillat lokale si trupa mbështetës të organeve të komunës, dhe që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimmarrjes.

Neni 3
Përkufizimet

Shprehjet e përdorura në këtë rregullore kanë kuptimin si në vijim:

1. **Këshilli lokal** – nënkupton trupat e zgjedhur që përfaqësojnë në mënyrë të organizuar komunitetin e një apo më shumë fshatrave, vendbanimeve dhe lagjeve urbane.
2. **Kryetar i këshillit lokal** – nënkupton kandidatin e zgjedhur me shumicën e votave të pjesëmarrësve në tubim zgjedhor në fshatra, vendbanime dhe lagje urbane.

Neni 4

Numri i fshatrave, vendbanimeve dhe lagjeve urbane të Komunës

1. Për të realizuar sa ma mirë funksionet dhe përgjegjësitë e parapara me Ligjin për Vetëqeverisjen Lokale, Komuna e Gjakovës do të mbështesë zgjedhjen e këshillave lokale të fshatrave, vendbanimeve dhe lagjeve urbane dhe kryetarët e këshillave lokale.

2. Numri i këshillave lokale në pjesën e urbanizuar të territorit të Komunës së Gjakovës është si vijon:

1. Këshilli lokal nr.1
2. Këshilli lokal nr.2
3. Këshilli lokal nr.3
4. Këshilli lokal nr.4
5. Këshilli lokal nr.5
6. Këshilli lokal nr.6
7. Këshilli lokal nr.7
8. Këshilli lokal nr.8
9. Këshilli lokal nr.9
10. Këshilli lokal nr.10

3. Numri i këshillave lokale në pjesën e Rurale të Komunës së Gjakovës është si vijon:

1. Këshilli lokal me seli në Molliq
2. Këshilli lokal me seli në Ponoshec
3. Këshilli lokal me seli në Babaj i Bokës
4. Këshilli lokal me seli në Brekoc
5. Këshilli lokal me seli në Ramoc
6. Këshilli lokal me seli në Sheremet
7. Këshilli lokal me seli në Novosellë të Ulët
8. Këshilli lokal me seli në Skivjan
9. Këshilli lokal me seli në Dujakë
10. Këshilli lokal me seli në Doblibare
11. Këshilli lokal me seli në Bec
12. Këshilli lokal me seli në Cermjanë
13. Këshilli lokal me seli në Gërgoc
14. Këshilli lokal me seli në Jabllanicë
15. Këshilli lokal me seli në Kralan
16. Këshilli lokal me seli në Bistazhin
17. Këshilli lokal me seli në Rogovë
18. Këshilli lokal me seli në Demjan
19. Këshilli lokal me seli në Lipovec
20. Këshilli lokal me seli në Dol

4. Në pamundësi që në çdo fshat, vendbanim dhe lagje urbane të zgjedhën këshillat lokale, atëherë një këshill lokal mund të përfshijë një e më tepër fshatra, vendbanime apo lagje urbane.

5. Të gjitha fshatrat, vendbanimet dhe lagjet urbane të cilat përfshihen në Këshillat Lokale sipas pikës 2 dhe 3 të këtij neni, do të përshkruhen në Listat të cila do të jenë pjesë përbërëse të kësaj Rregulloreje.

Neni 5

Formimi i Komisionit nga Kuvendi i Komunës për zgjedhjen e këshillave lokale

1. Kuvendi i Komunës emëron një komision për të udhëhequr dhe koordinuar punën në teren në zgjedhjen e këshillave lokale. Komisioni duhet të ketë shtatë (7) anëtarë: katër (4) anëtarë nga Kuvendi i Komunës, një (1) nga ekzekutivi, një (1) nga shoqëria civile dhe një (1) nga përfaqësuesit e fshatit, vendbanimit apo lagjes urbane. Përbërja e komisionit duhet të përfaqësojë përbërjen e subjekteve politike të përfaqësuara në Kuvendin e Komunës, duke respektuar kriterin gjinor. Kryesuesi i komisionit zgjidhet nga anëtarët e komisionit.
2. Komisioni i emëruar nga Kuvendi i Komunës duhet të jetë përgjegjës për caktimin e periudhës kohore të mbajtjes së tubimeve të qytetarëve, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
3. Komisioni i emëruar nga Kuvendi i Komunës dhe përfaqësuesit e fshatrave, vendbanimeve dhe lagjeve urbane, bashkëpunojnë në mënyrë që të organizojnë zgjedhjen e anëtarëve të këshillave lokale dhe kryetarëve të këshillave lokale.
4. Të gjithë qytetarët pjesëmarrës në tubimet zgjedhore mund të paraqesin ankesat e tyre, nëse konstatojnë ndonjë parregullsi gjatë procesit zgjedhore. Komisioni i emëruar nga Kuvendi i Komunës është i obliguar që të shqyrtojnë të gjitha ankesat dhe brenda afatit prej 30 ditëve nga data e përfundimit të procesit zgjedhor ti kthej përgjigje me shkrim qytetarëve që kanë adresuar ankesat.
5. Komisioni i emëruar nga Kuvendi i Komunës, nëpërmjet zyrës për informim, informon qytetarët 15 ditë para datës së mbajtjes së tubimit të qytetarëve për zgjedhjen e këshillave lokale, përmes:
 - 5.1 Shpalljeve publike të vendosura në objektet publike dhe vendet më të frekuentuara brenda territorit ku mbahen tubimet ku do të zgjedhën këshillat lokale;
 - 5.2 mediave lokale;
 - 5.3 ueb – faqes zyrtare të komunës.
6. Njoftimi i publikut domosdo duhet të përmbajë:
 - 6.1 rendin e ditës;
 - 6.2 datën;
 - 6.3 kohën;
 - 6.4 vendin e mbajtjes së tubimit.
7. Pas përfundimit të procesit zgjedhor të këshillave lokale dhe kryetarëve të këshillave lokale, komisionet e formuara nga Kuvendet e Komunës pushojnë aktivitetin e tyre.

Neni 6

Formimi i këshillave lokale dhe kriteret e përzgjedhjes

1. Këshilli lokal mund të ketë prej 5 deri në 9 anëtarë. Numri i saktë i anëtarëve për secilin këshill lokal përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
2. Çdo fshat, vendbanim dhe lagje urbane duhet të jetë i përfaqësuar në këshillin lokal. Në rast kur këshilli lokal ka numër qift të fshatrave, vendbanimeve, lagjeve urbane, atëherë vendbanimi, fshati, lagja urbane me numër më të madh të banorëve jep dy anëtar në këshillin lokal.
3. Këshillat Lokale janë të obliguara që brenda 3 muajve nga dita e zgjedhjes së tyre në këshillin lokal të zgjedhin nën- këshillat lokale. Nën-këshillat lokale mund të kenë tre (3) deri në pesë (5) anëtar.
4. Përbërja e këshillave lokale duhet të reflektojë përbërjen etnike dhe gjinore. Përfaqësimi gjinor duhet të jetë sipas Ligjit për Barazinë Gjinore. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, ata duhet të jenë të përfaqësuar në këshillin lokal.
5. Fshatrat, vendbanimet dhe lagjet urbane të komunës zgjedhin anëtarët e këshillit lokal, me rastin e tubimit të qytetarëve, që mbledh të gjithë banorët e interesuar të fshatit, vendbanimit apo lagjes urbane.
6. Zgjedhja mund të bëhet përmes votimit të hapur apo votimit të fshehtë në tubimin e qytetarëve. Mënyra e votimit përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
7. Kandidatët për anëtarë të këshillave lokale duhet të jenë banor të përhershëm në atë lokalitet.
8. Kandidatët për pozita të anëtarëve dhe të kryetarëve të këshillit lokal, nuk mund të kandidohen nëse janë kryetar/e, nënkryetar/e dhe sekretar/e të subjekteve politike, si dhe anëtar të Kuvendit të Komunës .

Neni 7

Zgjedhja e anëtarëve dhe kryetarit të këshillit lokal

1. Për anëtarë të këshillave lokale zgjedhën kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që kandidojnë dhe që janë prezent në tubimin zgjedhor.
2. Kryetari i këshillit lokal zgjidhet nga anëtarët e zgjedhur të këshillit lokal, i cili ka marrë më së shumti vota të qytetarëve që marrin pjesë në atë tubim.
3. Nëse në rrethin e parë të votimit kemi dy apo më shumë kandidatë me numër të barabartë të votave, atëherë organizohet rrethi dytë i votimit dhe kandidati që merr më shumë vota zgjidhet për kryetar të këshillit lokal.

4. Anëtarët dhe kryetarët e këshillave lokale zgjedhën me mandat 4 vjeçar.
5. Zgjedhjet për këshillat lokal mund të organizohen vetëm nëse janë prezent shumica e anëtarëve të Komisionit të komunës për zgjedhjet e këshillave lokal.
6. Tubimet e kanë legjitimitetin juridik nëse në tubime janë prezentë se paku 20 pjesëmarrës me të drejtë vote të atij lokaliteti.

Neni 8

Ndërprerja dhe pushimi i mandatit të anëtarëve dhe kryetarëve të këshillave lokale

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përmbushë obligimet që dalin nga kjo rregullore, anëtarët dhe kryetari i këshillit lokal mund të shkarkohen me shumicë të votave të banorëve të fshatit, vendbanimit apo lagjes urbane me rastin e tubimit publik me qytetarë.
2. Mandati i kryetarëve dhe anëtarëve të këshillave lokale përfundon:
 - 2.1 me kryerje të mandatit,
 - 2.2 nëse vdes,
 - 2.3 nëse jep dorëheqje,
 - 2.4 nëse ndërron vendbanim,
 - 2.5 nëse shkarkohet,
 - 2.6 nëse dënohet për vepër penal.
3. Procedura e shkarkimit të kryetarit dhe anëtarëve bëhet sipas procedurës së zgjedhjes.
4. Në rast të humbjes së mandatit të kryetarit të këshillit lokal, komisioni komunal brenda 30 ditësh duhet të organizoj zgjedhjet për zgjedhjen e kryetarit të ri.
5. Zëvendësimi i anëtarëve të këshillave lokal me rastin e humbjes së mandati bëhet nga lista e pritjes, gjegjësisht kandidatët që nuk kanë arrit të bëhen anëtarë të këshillit, me aprovimin e komisionit komunal brenda pesëmbëdhjetë (15) ditësh.

Neni 9

Procesverbali nga tubimi zgjedhor

1. Procesverbali i hartuar nga tubimi i qytetarëve, duhet të përmbajë shënimet vijuese : numrin e qytetarëve që kanë marrë pjesë në tubim, të dhënat për zgjedhjen e anëtarëve dhe kryetarëve të këshillave lokale, procedurat e votimit dhe çështje të tjera të adresuara në takim.
2. Procesverbalin e nënshkruan kryesuesi i tubimit, anëtarët e komisionit dhe procesmbajtësi, ndërsa komisioni i përcaktuar sipas nenit 5 të kësaj rregulloreje i raporton Kuvendit të Komunës për rrjedhën e tubimeve, për zgjedhjen e këshillave lokale.
3. Rezultatet e zgjedhjeve, emrat e anëtarëve, kryetarit të këshillit lokal duhet të bëhen publike menjëherë pas tubimit zgjedhor.

Neni 10

Konsultimet ndërmjet komunës dhe këshillave lokale

1. Kuvendi i Komunës dhe Kryetari i Komunës ftojnë kryetarët e këshillave lokal që të marrin pjesë në tubimet publike me qytetarë, në dëgjimet publike për buxhet, tubimet e rregullta publike, takimet për planifikim strategjik që organizohen nga komuna përkatësisht Kuvendi i Komunës ose Kryetari.
2. Së paku një anëtar i këshillit lokal duhet të jetë i përfshirë në të gjitha grupet punuese komunale për hartimin e planeve urbane, zhvillimore dhe rurale që janë pjesë e lokalitetit ku ata jetojnë.
3. Kryetari i Komunës duhet që së paku të organizojë dy (2) takime në vit me Kryetarët e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe Kryetarët e këshillave lokale.
4. Kuvendi i Komunës mund të kërkojë një opinion nga këshilli lokal për çështje të caktuara me interes për komunitetin.

Neni 11

Roli, detyrat dhe përgjegjësitë e këshillave lokale

1. Këshilli lokal mund të takohet në çdo kohë për të shqyrtuar çështjet në interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, komitetet dhe drejtoritë komunale.
3. Këshilli lokal duhet të informojë komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal.
5. Këshilli lokal mund të ndërmarr aktivitetet të cilat në veçanti ndikojnë në:
 - 5.1. zhvillimin lokal ekonomik të qëndrueshëm të lokalitetit;
 - 5.2. planifikimin urban dhe rural të lokalitetit;
 - 5.3. mbrojtjen e mjedisit lokal të lokalitetit;
 - 5.4. ndihmon në rritjen e efikasitetit në ofrimin e shërbimeve publike komunale brenda lokalitetit;
 - 5.5. siguron të dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
 - 5.6. mirëmbajtjen e varrezave dhe hapësirave publike të gjelbëruara;
 - 5.7. zhvillimin e turizmit;
 - 5.8. organizimin e aktiviteteve kulturore dhe sportive;
 - 5.9. bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;

5.10. organizimin e aksioneve vullnetare në interes për lokalitetin;

5.11. zbaton aktivitetet që janë të bartura, sipas procedurave në nenin 10 të kësaj rregulloreje.

6. Këshillat lokale të fshatrave kanë të drejtë të bashkëpunojnë në mes veti në territorin e komunës përkatëse.

7. Këshillat lokale mund t'i parashtrajnë organeve të Komunës, pyetje me shkrim për çështje të ndryshme në interes të lokalitetit, kurse organet e komunës brenda afateve ligjore i përgjigjen në kërkesën e bërë.

8. Komuna obligohet që t'iu sigurojë hapësirën për mbajtjen e takimeve Këshillave Lokal në objektet publike komunale, në lokalitetin ku gjendet selia e K.L.

Neni 12

Roli i kryetarëve të këshillave lokale

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e komunës.

2. Kryetari i këshillit lokal thërret dhe udhëheq me mbledhjet e këshillit lokal dhe kujdeset për organizimin dhe punën e këshillit lokal. Po ashtu, ai i nënshkruan konkluzionet dhe propozimet e miratuara nga ana e këshillit lokal dhe është i obliguar që në afat prej 15 ditëve, nga dita e miratimit të tyre t'i dorëzojë te Kryetari i Komunës përmes Zyrtarit Përgjegjës për bashkëpunim me Këshillat Lokal.

Neni 13

Marrëveshja e bashkëpunimit

1. Marrëveshja e bashkëpunimit të komunës me fshatrat, vendbanimet dhe lagjet urbane, duhet të përmbajë së paku këto elemente:

1.1. Objektivin e marrëveshjes;

1.2. Kohëzgjatjen;

1.3. Përshkrimin e obligimeve për palët;

1.4. Dinamikën e realizimit të punëve; dhe

1.5. Koston financiare.

2. Objekti i marrëveshjes nuk mund të jenë përgjegjësitë e Kuvendit të Komunës të përcaktuara në nenin 40.2 të Ligjit për Vetëqeverisjen Lokale.

Neni 14

Miratimi i marrëveshjes të bashkëpunimit

Marrëveshjet të cilat i lidhin komuna me këshillat lokale duhet të miratohen nga Drejtoria përkatëse në komunë.

Neni 15

Kompensimi i këshillave lokale

1. Për punën e tyre kryetarët e këshillave lokale kompensohen nga buxheti i komunës së Gjakovës.

2. Kompensimi për kryetarët e këshillave lokale bëhet në shumën ekuivalente të anëtarëve të komiteve obligative.

3. Kompensimi për pjesëmarrjen në takime bëhet vetëm për gjashtë (6) takime të këshillit lokal të mbajtura brenda vitit kalendarik.

4. Për t'u kompensuar, Kryetari i këshillit lokal duhet të dëshmojë për takimet e mbajtura me listën e nënshkrimeve të pjesëmarrësve, e cila duhet të përmbajë:

4.1. rendin e ditës;

4.2. datën;

4.3. kohën;

4.4. vendin e mbajtjes së tubimit.

Neni 16

Financimi i aktiviteteve

1. Financimi i aktiviteteve të këshillave lokale mund të bëhet nga vet banorët e fshatit, vendbanimit apo lagjes urbane, nga komuna, nga financimi i përbashkët si dhe nga donatorët, në pajtueshmëri të plotë me Statutin e Komunës së Gjakovës, rregulloret komunale dhe legjislacionin e zbatueshëm në Republikën e Kosovës për menaxhim të financave publike.

2. Këshilli lokal harton raporte gjashtëmujore dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe para organeve komunale.

Neni 17

Dispozitat kalimtare, shfuqizuese dhe përfundimtare

1. Me hyrjen në fuqi të kësaj rregulloreje shfuqizohet rregullorja për Organizimin dhe Bashkëpunimin e komunës me fshatrat, Vendbanimet, dhe laget urbane në territorin e Komunës së Gjakovës 01 nr.011-90476/2015, e dt. 30.12.2015

2. Në rast konflikti të dispozitave të kësaj rregulloreje me Ligjin për Vetëqeverisjen Lokale dhe Statutin e Komunës mbizotërojnë dispozitat e Ligjit dhe Statutit.

3. Ndryshimet dhe plotësimet eventuale në këtë rregullore do të bëhen sipas procedurës së njëjtë të aprovimit të kësaj rregulloreje.

4. Pjesë përbërës e kësaj rregulloreje janë Listat 1 dhe 2 për Përcaktimi i territorit të Këshillave Lokale.

Neni 18

Kjo rregullore hyn në fuqi pesëmbëdhjete (15) ditë pas regjistrimit në zyrën e protokollit në Ministrinë e Administrimit të Pushtetit Lokal, si dhe publikimit në gjuhë zyrtare në ueb faqen e Komunës.

Kuvendi i Komunës së Gjakovës

01.Nr. _____/2019

Dt. 18.12.2019



Kryesuesi i Kuvendit të komunës

Anton Shala

Lista 1

Përcaktimi i territorit të Këshillave Lokale në pjesën e urbanizuar (qytetit) të Komunës së Gjakovës

1. **Këshilli Lokal nr.1** me seli në Gjakovë, kufizohet duke filluar nga kufiri i anës veriore të ish kombinatit IBT "Emin Duraku", pastaj vazhdon nëpër rrugët "Gjergj Sokoli" dhe "Bardhyl Çausi", duke përfshirë anën e majtë të tyre, vazhdon gjerë tek kryqëzimin me rrugën "UÇK", vazhdon rrugës "UÇK" duke përfshirë anën e majtë, pastaj vazhdon më tutje në rrugën "Vesli Klark" duke e përfshirë anën e majtë të saj së bashku me Bodrumin e Verës dhe Pikën e Karburantit në afërsi, prej këtu e pret rrugën "Vesli Klark" në drejtim të perëndimit deri tek lumi Llukac duke vazhduar në këtë drejtim e prenë rrugën "Mark Malota" dhe vazhdon në drejtim të kufirit të anës veriore të ish Kombinatit IBT "Emin Duraku", aty ku edhe fillon kufizimi i këtij Këshilli Lokal.
2. **Këshilli Lokal nr.2** me seli në Gjakovë, kufizohet duke filluar nga vendi "Lugu i Balës", lidhet me rrugën "Mazllum Myezini" duke e përfshirë anën e djathtë të saj, vazhdon në një pjesë të rrugës "Sabrije Vokshi Bija" duke e përfshirë anën e djathtë, vazhdon në rrugën "Demush Taha" duke e përfshirë anën e djathtë të saj, vazhdon pastaj kah veriu në një pjesë të rrugës "Bajram Curri" duke e përfshirë anën e djathtë, vazhdon ka lindja në një pjesë të rrugës "Dërgut Vokshi" duke e përfshirë anën e djathtë, vazhdon në një pjesë të rrugës "Yllka Domi" duke përfshirë anën e djathtë deri tek lumi Krena, vazhdon në drejtim të rrjedhës së lumit Krena duke e përfshirë anën e djathtë deri në bashkimin me lumin Ereniku, vazhdon përpjetë lumit Ereniku deri tek lokaliteti "Ripa", gjegjësisht kufiri i Zonës Kadastrale Gjakovë – Jashtë Qytet nga ana perëndimore e qytetit, duke e përfshirë lokalitetin e "Rripës", një pjesë të kodrës së "Çabratit" e duke vazhduar nga veriu deri tek "Lugu i Balës", aty ku edhe fillon kufizimi i këtij Këshilli Lokal.
3. **Këshilli Lokal nr.3** me seli në Gjakovë, kufizohet duke filluar prej "Urës së Namazgjasë", mbi lumin Krena, vazhdon rrugës "Abedin Terbeshi", duke përfshirë anën e djathtë deri tek rruga "Nëna Terezë", vazhdon nga jugu në një pjesë të rrugës "Nëna Terezë", duke përfshirë anën e djathtë të rrugës deri tek udhëkryqi me rrugën "Musa Zajmi", vazhdon pastaj kësaj rruge duke përfshirë anën e djathtë të saj deri tek udhëkryqi me rrugën "Elton Zherka", vazhdon në një pjesë të rrugës "Elton Zherka" duke përfshirë anën e djathtë, vazhdon rrethimit nga ana perëndimore e lindore e SHFMU "Emin Duraku" duke përfshirë anën e djathtë të tyre deri tek udhëkryqi me rrugën "Nasir Brahimaj" vazhdon në një pjesë të kësaj rruge duke përfshirë anën e djathtë deri tek udhëkryqi me rrugën "Ali Pashë Tepelena", vazhdon rrugës "Ali Pashë Tepelena" duke përfshirë anën e djathtë deri tek kryqëzimi me rrugën "Avdullah Babalija", vazhdon në lindje drejt lumit Llukac dhe rrugës "Behije Dashi" duke përfshirë anën e djathtë deri tek kufiri i Planit Rregullues "Rezina" për të vazhduar në drejtim të jugut deri në kryqëzimin me rrugën "Gaspër Karaqi", duke përfshirë kompleksin e ish Ndërmarrjes "Virgjinia", vendbanimin "Ali Ibra" dhe objektet e banimit të lokacionit "Mulliri i Zekës", vazhdon pastaj rrugës "Gaspër Karaqi" duke përfshirë anën e djathtë deri tek lumi Llukac, vazhdon rrugës "Skenderbeu" duke përfshirë anën e djathtë deri në udhëkryqin me rrugën "Xhafer Lipoveci" duke përfshirë anën e djathtë, vazhdon rrugës "Sadedin Shehu" duke përfshirë anën e djathtë, pastaj vazhdon rrugës "Haki Taha" duke përfshirë anën e djathtë, e prenë pastaj rrugën "Xheladin Hana" për të vazhduar deri tek lumi Krena (Ura e Tabhaneve), vazhdon pastaj

përpjetë lumit deri tek "Ura e Namazgjasë", aty ku edhe fillon kufizimi i këtij Këshilli Lokal.

4. **Këshilli Lokal nr.4** me seli në Gjakovë, kufizohet duke filluar nga ana veriore me rrugën "UÇK", duke përfshirë anën e djathtë të kësaj rruge deri tek lumi Llukac, vazhdon rrugës "Vesli Klark" deri tek e ashtuquajtura "Pika e Zezë" duke përfshirë anën e djathtë, kthehet nga jugu duke u kufizuar me vijën e Planit Rregullues "Rezina" duke përfshirë anën e djathtë, kthehet nga perëndimi nëpër rrugën "Behije Dashi" duke përfshirë anën e djathtë deri tek lumi Llukac, vazhdon deri tek kryqëzimi me rrugën "Ali Pashë Tepelena" duke vazhduar më tutje kësaj rruge deri tek udhëkryqi me rrugën "Naser Brahimaj" vazhdon në një pjesë të kësaj rruge duke përfshirë anën e djathtë, për të vazhduar përgjatë rrethimit jugor e perëndimor të SHFMU "Emin Duraku" duke përfshirë Shkollën dhe Qendrën e Mjekësisë Familjare, deri tek kryqëzimi me rrugën "Elton Zherka", vazhdon në një pjesë të kësaj rruge deri tek udhëkryqi me rrugën "Musa Zajmi", nga këtu vazhdon rrugës "Musa Zajmi" duke përfshirë anën e djathtë deri në kryqëzimin me rrugën "Nëna Terezë" duke përfshirë anën e djathtë dhe nga këtu vazhdon pastaj rrugës "Abedin Tërbeshi" duke përfshirë anën e djathtë deri tek "Ura e Namazgjasë" mbi lumin Krena, vazhdon përpjetë lumit Krena duke përfshirë anën e djathtë të lumit deri tek "Ura e Islam Begut", vazhdon rrugës "Ismail Qemali" duke përfshirë anën e djathtë deri tek udhëkryqi me rrugën "UÇK" aty ku edhe fillon kufizimi i këtij Këshilli Lokal.

5. **Këshilli Lokal nr.5** me seli në Gjakovë (lagjia Dardania), kufizohet duke filluar në veri nga kufiri me fshatin Osek Hylë dhe përfshinë territorin në dy anët e rrugëve "Sylejman Abdyli" dhe "Dëshmorët e Hereqit", duke vazhduar nga ana perëndimore deri te lumi Krena, vazhdon rrjedhës së lumit Krena deri tek Ura në afërsi të Fabrikës së Tjegullave, vazhdon në një pjesë të rrugës "Elez Miftari" deri tek udhëkryqi me rrugën "Gjergj Sokoli", vazhdon nëpër të njëjtën duke përfshirë anën e majtë deri tek kufiri i anës veriore të ish kombinatit IBT "Emin Duraku", e prenë rrugën "Mark Malota" dhe vazhdon në drejtim të lumit Llukac, vazhdon përpjetë lumit Llukac deri në përfundim të rrugës "Mark Malota" të cilën e prenë përsëri dhe vazhdon nga veriu deri tek kufiri i fshatit Osek Hylë duke e përfshirë anën e majtë të kësaj vije e cila përfundon pas objektit të ish Fabrikës së Lëngjeve gjegjësisht pikës së karburantit, aty ku edhe fillon kufizimi i këtij Këshilli Lokal.

6. **Këshilli Lokal nr.6** me seli në Gjakovë, kufizohet duke filluar në anën veriore prej udhëkryqit të rrugëve "Gjergj Sokoli" dhe "Elez Miftari", vazhdon rrugës "Gjergj Sokoli" duke përfshirë anën e djathtë të kësaj rruge, vazhdon rrugës "Bardhyl Çaushti" duke përfshirë anën e djathtë të saj, vazhdon në një pjesë të rrugës "Ismail Qemali" duke përfshirë anën e djathtë deri tek "Ura e Islam Begut", vazhdon përpjetë lumit Krena deri tek Ura në rrugën "Yllka Domi", vazhdon në një pjesë të rrugës "Yllka Domi" duke përfshirë anën e djathtë, nga këtu vazhdon rrugës "Dërgut Vokshi" duke përfshirë anën e djathtë deri tek kryqëzimi me rrugën "Bajram Curri", vazhdon nga jugu në një pjesë të rrugës "Bajram Curri" duke përfshirë anën e djathtë deri tek udhëkryqi me rrugën "Demush Taha", vazhdon rrugës "Demush Taha" duke përfshirë anën e djathtë deri tek udhëkryqi me rrugën "Sabrie Vokshi Bija", vazhdon në një pjesë të kësaj rruge duke përfshirë anën e djathtë, vazhdon në drejtim të rrugës "Mazllum Myezini" dhe vendit "Lugu i Balës" duke përfshirë anën e djathtë të tyre për të vazhduar nëpër Çabrat përbri rrethojave të "Varrezave të Martirëve" dhe më tutje në veri deri tek Fabrika e Tjegullave duke përfshirë rrethojat e kësaj fabrike dhe duke përfunduar me kryqëzimin e rrugëve "Gjergj Sokoli" dhe "Elez Miftari", aty ku edhe fillon kufizimi i këtij Këshilli Lokal.

7. **Këshilli Lokal nr.7** me seli në Gjakovë, kufizohet duke filluar prej kryqëzimit të rrugëve “Skenderbeu” e “Xhafer Lipoveci” dhe përfshinë anën e djathtë të rrugës “Skenderbeu” deri tek Ura e lumit Llukac, vazhdon rrjedhës së lumit deri në drejtim me rrugët “Jashar Salihu” e “Faik Konica” deri te udhëkryqi me rrugën “Esat Stavileci” duke përfshirë anën e djathtë të tyre , pastaj vazhdon në drejtim të veriut në rrugët “Esat Stavileci” dhe “Pajazit Nushi” duke e përfshirë anën e djathtë të tyre deri në kryqëzimin me rrugët “Sadedin Shehu” dhe “Xhafer Lipoveci”, për të vazhduar nga këtu deri tek kryqëzimi i rrugëve “Skenderbeu” dhe “Xhafer Lipoveci”, aty ku edhe fillon kufizimi i këtij Këshilli Lokal.
8. **Këshilli Lokal nr.8** me seli në Gjakovë, kufizohet duke filluar nga “Ura e Tabhaneve”, mbi lumin Krena për të vazhduar në një pjesë të rrugës “ Xheladin Ilana” duke përfshirë dy anët e saj , për të vazhduar rrugës “Haki Taha” duke përfshirë anën e djathtë , deri tek udhëkryqi me rrugën “Sadedin Shehu” duke përfshirë po ashtu anën e djathtë deri tek udhëkryqi me rrugën “Pajazit Nushi”, vazhdon nga jugu rrugës “Pajazit Nushi” dhe rrugëve “Esat Stavileci” e “Ymer Pula” duke përfshirë anën e djathtë të tyre deri tek Ura mbi lumin Ereniku, vazhdon përpjetë lumit Ereniku deri tek bashkimi i lumenjëve Ereniku dhe Krena, vazhdon përpjetë lumit Krena deri tek “Ura e Tabhaneve”, aty ku edhe fillon kufizimi i këtij Këshilli Lokal.
9. **Këshilli Lokal nr.9** me seli në Gjakovë, kufizohet duke filluar prej “Urës së Tabakëve” mbi lumin Ereniku, vazhdon rrjedhës së këtij lumi deri në bashkimin me lumin Vogovicë, vazhdon përpjetë lumit Vogovicë , pastaj nga këtu prenë rrugët “5 Prilli 1999” e “Domenik Përgjegaj” deri në kufizim me oborrin e SHFMU “Zef Lush Marku” duke e përfshirë dhe shkollën, vazhdon në perëndim duke e përfshirë pronën e ish Kooperativës Bujqësore, kompleksin e urbanizuar “Lagjja Brekoc”, vazhdon në veri deri tek rruga “Minatori” të cilën e pret për të vazhduar kufirit në veri të Varrezave deri tek lumi Ereniku, vazhdon rrjedhës së lumit Ereniku deri tek “Ura e Tabakëve”, aty ku edhe fillon kufizimi i këtij Këshilli Lokal.
10. **Këshilli Lokal nr.10** me seli në Gjakovë, kufizohet duke filluar në kryqëzimin e rrugëve “Faik Konica” dhe “Ymer Pula”, vazhdon në lindje përgjatë rrugëve “Faik Konica” e “Jashar Salihu” duke përfshirë anën e djathtë të tyre deri në lumin Llukac, vazhdon përpjetë lumit Llukac deri tek Ura në rrugën “Gaspër Karaqi”, vazhdon pastaj në lindje përgjatë rrugëve “Gaspër Karaqi” e “Dah Polloshka” duke e përfshirë anën e djathtë të tyre së bashku me Kompleksin Industrial Jugor deri tek kufiri i ri i zonës urbane, kthehet në anën jugore deri tek lumi Ereniku për të vazhduar përpjetë rrjedhës së lumit deri tek Ura në rrugën “Ymer Pula”, nga këtu vazhdon në veri përgjatë rrugës “Ymer Pula” duke e përfshirë anën e djathtë dhe përfundon tek kryqëzimi me rrugën “Faik Konica”, aty ku edhe fillon kufizimi i këtij Këshilli Lokal.

Lista 2

Përcaktimi i territorit të Këshillave Lokale në pjesën e rurale (fshatrat) të Komunës së Gjakovës

1. Këshilli Lokal me seli në fshatin **Molliq** i përfshinë këto fshatra: Molliq, Batushë, Koshare, Brovinë dhe Nivokaz.
2. Këshilli Lokal me seli në fshatin **Ponoshec** i përfshinë këto fshatra: Ponoshec, Morinë, Stubëll, Berjahë, Smolicë, Popoc, Shishmon dhe Nec.
3. Këshilli Lokal me seli në fshatin **Babaj Bokës**, përfshinë këto fshatra: Babaj Bokës, Guskë, Devë, Korenicë, dhe Duzhnje.
4. Këshilli Lokal me seli në fshatin **Brekoc** i përfshinë këto fshatra : Brekoc, Vogovë, Zhub, Zylfaj, Firzë, Meje, Orize dhe Jahoc.
5. Këshilli Lokal me seli në fshatin **Ramoc** i përfshinë këto fshatra: Ramoc, Rripaj dhe Madanaj.
6. Këshilli Lokal me seli në fshatin **Sheremet** i përfshinë këto fshatra: Sheremet, Racaj, Dallashaj, Dobrosh dhe Pacaj.
7. Këshilli Lokal me seli në fshatin **Novosellë të Ulët** i përfshinë këto fshatra: Novosellë e Ulët, Novosellë e Epërme, Palabardhi, Trakaniqi, Osek Pasha, Janoshi, Biteshi.
8. Këshilli Lokal me seli në fshatin **Skivjan** i përfshinë këto fshatra: Skivjan, Osek Hilë dhe Planqor.
9. Këshilli Lokal me seli në fshatin **Dujakë** i përfshinë këto fshatra: Dujakë, Hereq, Dobrigje dhe Firaj.
10. Këshilli Lokal me seli në fshatin **Doblibare** i përfshinë këto fshatra: Doblibare, Bërdosana, Vraniqi.
11. Këshilli Lokal me seli në fshatin **Bec** i përfshinë këto fshatra: Bec, Lugbunar, Qerim, Zhdrellë, Sopot.
12. Këshilli Lokal me seli në fshatin **Cërmjan** i përfshinë këto fshatra: Cërmjan, Meqe, Kodrali, Rashkoc, Rakovinë, Netic.
13. Këshilli Lokal me seli në fshatin **Gërgoc** i përfshinë këto fshatra: Gërgoc, Rakoci, Zhabeli, Bardhaniq
14. Këshilli Lokal me seli në fshatin **Jabllanicë** i përfshinë këto fshatra: Jabllanica, Llugagjija
15. Këshilli Lokal me seli në fshatin **Kralan** i përfshinë këto fshatra: Kralan.

16. Këshilli Lokal me seli në fshatin **Bishtazhin** i përfshinë këto fshatra: Bistazhin, Marmullë, Kushavec, Smaq, Ujz, Rezinë.
17. Këshilli Lokal me seli në fshatin **Rogovë** e përfshinë fshatin: Rogovë.
18. Këshilli Lokal me seli në fshatin **Demjan** i përfshinë fshatin: Demjan.
19. Këshilli Lokal me seli në fshatin **Lipovec** i përfshinë këto fshatra: Lipovec, Gërquinë dhe Goden.
20. Këshilli Lokal me seli në fshatin **Dol** i përfshinë këto fshatra: Dol, Raqë, Moglicë, Kusarë dhe Pjetershan.

KËSHILLAT LOKALË TË PJESËS URBANE DHE RURALE TË KOMUNËS SË GJAKOVËS

